

Басқарма Төрағасының сөзі

102-14

Құрметті оқырмандар!

2020 жыл «KEGOC» АҚ үшін ғана емес, сонымен қатар бүкіл әлем халқы мен еліміз үшін де қиын болғанына қарамастан Компания акционерлер мен Директорлар кеңесі жүктеген барлық міндеттерді іске асыруға тырысты.



БАҚЫТЖАН ҚАЖИЕВ
«KEGOC» АҚ БАСҚАРМА ТӨРАҒАСЫ

2020 жыл «KEGOC» АҚ үшін ғана емес, сонымен қатар бүкіл әлем халқы мен еліміз үшін де өте қиын болғанына қарамастан, Компания «KEGOC» АҚ Даму стратегиясына сай акционерлер мен Директорлар кеңесі жүктеген барлық міндеттерді орындауға тырысып, жыл соңында жақсы нәтижелерге қол жеткізді. Ұжым коронавирустық инфекция қаупі артып келе жатқан жағдайда жұмыс істеуге мәжбүр болды. Коронавирустық инфекцияның қызметкерлер арасында таралуын болдырмау мақсатында ұжымның басым көпшілігі қашықтағы жұмыс түріне ауыстырылды. Бұл ретте барлық қызметкерлердің жалақылары

деңгейі, сыйақы төлемдері, сонымен қатар Ұжымдық шартта көзделген материалдық қолдаудың барлық түрлері сақталды.

Сондай-ақ, есептік кезеңде «KEGOC» АҚ мен қызметкерлердің өкілдері арасында 2021-2025 жылдарға арналған жаңа ұжымдық шарт жасалды, ол Қазақстан Республикасының Еңбек кодексі мен нормативтік актілеріне енгізілген жаңа түзетулерге, сонымен бірге Энергетика саласындағы салалық келісімге сәйкес келтірілді.

Біздің персоналымыз карантин уақытында тәртіп сақтап, өзін оқшаулау қажеттілігін түсіністікпен қабылдағанын, тіпті осындай күрделі жағдайда «KEGOC» АҚ еліміздің тұрмыс-тіршілігіне жауапты ұйым ретінде өндірістік кәсіпорындар мен халықты электр энергиясымен қамтамасыз ететін ұйымдарға электр энергиясын үздіксіз жеткізіп отыруы үшін БЭЖ-дің сенімді жұмысын қамтамасыз етіп, барлық жағдай жасағанын ерекше айта кету қажет. Персонал жөндеу науқанын кестеге сәйкес өткізіп, «KEGOC» АҚ 2020-2021 жылдардың күзгі-қысқы кезеңіндегі жұмысқа дайындық паспортын уақытында алды.

Сонымен қатар, Компания Қазақстанның энергия жүйесінің тұрақты жұмыс істеуін қамтамасыз ете отырып, қатарлас жұмыс режимдерін басқару бойынша көршілес мемлекеттердің энергия жүйелерімен өзара іс-қимылды ойдағыдай жүзеге асырып отырды, бұл Компанияның негізгі басымдықтарының бірі болып табылады.

Нәтижесінде 2020 жыл қорытындысы бойынша «KEGOC» АҚ мынадай көлемде қызмет көрсетті: электр энергиясын беру бойынша – 46,2 млрд кВт-сағ немесе 2019 жылғы көрсеткіштен 5%-ға артық; техникалық диспетчерлендіру бойынша –

99 млрд кВт-сағ (102%). 2020 жылы электр энергиясын өндіру мен тұтынуды теңгерімдеуді ұйымдастыру бойынша қызмет көлемі 192,9 млрд кВт-сағ-ты, 2019 жылмен салыстырғанда өсім 2,2%-ды құрады.

Жыл қорытындысы бойынша таза кіріс 53,5 млрд астам теңгені құрады, бұл 2019 жылғы көрсеткішпен салыстырғанда 31,2%-ға жоғары.

Компания акцияларының құны «KEGOC» АҚ қаржылық жағдайының тұрақты екенін айқын дәлелдеп отыр. 2020 жылы «KEGOC» АҚ бір акциясының нарықтық бағасы ең жоғары тарихи деңгейге жетіп, 1 756 теңгені құрады, бұл алғашқы орналастырылған бағасынан (505 теңге) шамамен 3,5 есеге жоғары. Компания үшін акционерлердің құқықтары мен мүдделерін сақтау және жүзеге асыру негізгі шарт болып қала бермек. **Осылайша, 2020 жыл ішінде акционерлерге 32,7 млрд теңгеден астам жалпы сомасында екі рет дивиденд төленді.**

Есептік жылда Қазақстанның Ұлттық электр торабы жұмысының сенімділігін арттыруға арналған инвестициялық жобаларды іске асыру қызметтің маңызды бағыты болды. Солардың қатарында «KEGOC» АҚ «Ақтөбе ЖЭТ», «Батыс ЖЭТ» және «Сарыбай ЖЭТ» филиалдарындағы 220-500 кВ-тық ӘЖ-лерді қайта құру жобалары және «Қазақстан БЭЖ-дің Батыс аймағының электр желісін нығайту» жобасы бар.

«Цифрлық Қазақстан» мемлекеттік бағдарламасы аясында «KEGOC» АҚ ақылды желілерді (SmartGrid) қалыптастыруға кірісті, сонымен бірге «Самұрық-Қазына» АҚ-ның орталық командасымен бірлесіп Бизнесіні трансформациялау бағдарламасын ойдағыдай жүзеге асыруды жалғастыруда.

COVID-19 пандемиясы жағдайында отандық тауар өндірушілерді қолдау бойынша өткір мәселе көтерілді. «KEGOC» АҚ «Самұрық-Қазына» АҚ-ның ұзақ мерзімді серіктестері отандық тауар өндірушілері болып табылатын портфельдік компаниялары қатарында екенін қуанышпен атап өткім келеді. Компания Мүгедектер қоғамымен де бірлесе ойдағыдай жұмыс істейді, олардан дәстүрлі түрде өндірістік персоналға арналған қазіргі заманғы талаптарға сай арнайы киім сатып алады.

2020 жылы Компания қызметкерлері пандемияға қарамастан, ұжым ішіндегі әлеуметтік-еңбек қатынастары деңгейінің жоғары екенін көрсетті. Нәтижесінде, 2020 жылы «KEGOC» АҚ өндірістік персоналы арасындағы әлеуметтік тұрақтылық деңгейін зерттеу қорытындылары бойынша SRS (Samruk Research Services) индексі 91%-ды, әкімшілік-басқарушылық персоналды тарту индексі 90%-ды құрады.

2021 жылы біз ірі инвестициялық жобаларды іске асыруды жалғастырып, ӘЖ-дегі және ҚС жабдықтарындағы жөндеу-пайдалану жұмыстарының барлық жоспарланған көлемін мерзімінде және сапалы орындауға, 2021-2022 жж. күзгі-қысқы кезеңге дайындық паспортын уақытында алуға ниеттіміз. Жұмысымыздың маңызды бағыты бұл біздің Компания қызметінің тиімділігін арттыруға бағытталған оңтайландыру жобаларын (REVEX) іске асыру болып табылады. Сонымен қатар, 2021 жылы біз Процестік көрсеткіштерді басқару жүйесін ендіретін боламыз.

«KEGOC» АҚ 2021 жылы өзінің әкімшілік және өндірістік персоналының мол тәжірибесіне, Компанияның қаржылық тұрақтылығына және озық тәжірибелерді қолдануға сүйене отырып, алдына қойылған барлық мақсаттарын жүзеге асыратынына сенімдімін.

98,63

WWP, %

108,44

EBITDA, МЛРД ТЕҢГЕ

9,48

ROACE, %

5,21

SML, МИН.

0

LTIFR